


Komentar monetarnih kretanja u oktobru 2022. godine

Ukupna novčana masa (M2) na kraju oktobra 2022. godine iznosila je 32,81 milijardu KM, dok je u odnosu na prethodni mjesec registrovan blagi porast novčane mase za 96,9 miliona KM (0,3%). Porast novčane mase (M2) u oktobru 2022. godine, rezultat je smanjenja novca (M1) za 91,6 milion KM (0,5%) i povećanja kvazi novca (QM) za 188,5 miliona KM (1,4%). Do smanjenja novca (M1) je došlo usljed pada prenosivih depozita u domaćoj valuti za 36,1 milion KM (0,3%) i gotovine izvan banaka za 55,5 miliona KM (0,9%). Povećanje kvazi novca (QM) rezultat je rasta prenosivih depozita u stranoj valuti za 163,6 miliona KM (4,7%) i ostalih depozita u domaćoj valuti za 51 milion KM (1,8%) i smanjenja ostalih depozita u stranoj valuti za 26 miliona KM (0,4%).

Na godišnjem nivou, porast novčane mase (M2) u oktobru 2022. godine iznosio je 1,81 milijardu KM (5,8%). Rast je ostvaren kod gotovine izvan banaka za 555,6 miliona KM (10,2%), kod prenosivih depozita u domaćoj valuti za 1,42 milijarde KM (11,9%) i prenosivih depozita u stranoj valuti za 423,9 miliona KM (13,3%), uz istovremeno smanjenje ostalih depozita u domaćoj valuti za 135,8 miliona KM (4,4%) i ostalih depozita u stranoj valuti za 456,1 milion KM (6,2%).



Protustavka porastu novčane mase (M2) na mjesečnom nivou u oktobru 2022. godine u iznosu od 96,9 miliona KM (0,3%) je povećanje neto strane aktive (NSA) za 242 miliona KM (1,3%) i smanjenja neto domaće aktive (NDA) za 145,1 milion KM (1,1%). Porast novčane mase (M2) na godišnjem nivou od 1,81 milijardu KM (5,8%), rezultat je rasta neto strane aktive (NSA) za 521,5 miliona KM (2,7%) i neto domaće aktive (NDA) za 1,29 milijardi KM (10,7%).

Monetarni pregled

	Stanje u mil. KM X 2022	Mjesečne promjene u mil. KM			Godišnje stope rasta u %		
		VIII 2022	IX 2022	X 2022	VIII 2022	IX 2022	X 2022
Aktiva							
1. Neto strana aktiva	19.513,6	391,5	25,3	242,0	2,8	3,9	2,7
1.1. Strana aktiva	21.267,4	366,0	-12,9	232,6	2,2	2,9	1,9
1.2. Strana pasiva	-1.753,7	25,4	38,2	9,4	-4,7	-6,7	-6,6
2. Neto domaća aktiva	13.299,5	120,1	141,8	-145,1	11,5	11,1	10,7
2.1. Potraživanja od centralne vlade (neto), kantona i općina	-243,2	55,5	88,6	-47,5	18,8	6,9	-5,1
2.2. Potraživanja od domaćih sektora	20.919,7	-6,8	37,8	102,1	5,0	4,8	5,1
2.3. Ostale stavke	-7.377,0	71,4	15,4	-199,6	-5,5	-5,4	-3,5
Pasiva							
1. Novčana masa (M2)	32.813,1	511,5	167,1	96,9	6,2	6,7	5,8
1.1. Novac (M1)	19.331,8	454,3	176,1	-91,6	12,6	13,6	11,4
1.2. Kvazi novac (QM)	13.481,4	57,2	-9,0	188,5	-1,8	-1,9	-1,2

Kreditni

Ukupni krediti domaćim sektorima na kraju oktobra 2022. godine iznosili su 21,94 milijarde KM, u odnosu na prethodni mjesec zabilježeno je blago povećanje od 93,1 milion KM (0,4%). Rast kredita registrovan je kod sektora stanovništva za 34,3 miliona KM (0,3%), nefinansijskih javnih preduzeća za 37,3 miliona KM (7,0%) i privatnih preduzeća za 30,5 miliona KM (0,3%). Pad kreditnog rasta na mjesečnom nivou je zabilježen kod vladinih institucija za 4,2 miliona KM (0,4%) i kod ostalih domaćih sektora za 4,8 miliona KM (2,7%).

Godišnja stopa rasta ukupnih kredita u oktobru 2022. godine iznosila je 4,5%, nominalno 939,9 miliona KM. Godišnji rast kredita registrovan je kod sektora stanovništva za 531,8 miliona KM (5,1%), privatnih preduzeća za 366,8 miliona KM (4,2%), nefinansijskih javnih preduzeća za 76,5 miliona KM (15,5%) i kod ostalih domaćih sektora za 5,5 miliona KM (3,3%). Smanjenje kreditnog rasta na godišnjem nivou registrovano je kod vladinih institucija za 40,7 miliona KM (3,5%).

Sektorska struktura kredita u BiH

	Stanje u mil. KM X 2022	Mjesečne promjene u mil. KM			Godišnje stope promjene u %		
		VIII 2022	IX 2022	X 2022	VIII 2022	IX 2022	X 2022
Ukupno	21.941,3	43,9	40,8	93,1	4,7	4,2	4,5
Od toga:							
Stanovništvo	10.937,9	28,3	45,9	34,3	5,4	5,3	5,1
Privatna preduzeća	9.128,6	-54,1	-22,4	30,5	4,5	3,9	4,2
Vladine institucije	1.130,7	43,5	4,3	-4,2	-0,7	-4,2	-3,5
Javna preduzeća	570,0	26,4	2,0	37,3	6,4	5,3	15,5
Kreditni ostalim domaćim sektorima	174,1	-0,2	11,1	-4,8	2,0	6,9	3,3

Depoziti

Ukupni depoziti domaćih sektora na kraju oktobra 2022. godine iznosili su 28,88 milijardi KM, u odnosu na prethodni mjesec zabilježeno je povećanje depozita od 192,5 miliona KM (0,7%). Rast depozita na mjesečnom nivou registrovan je kod sektora stanovništva za 24 miliona KM (0,2%), privatnih preduzeća 145,9 miliona KM (2,5%) i vladinih institucija za 46,7 miliona KM (1,0%). Smanjenje depozita je zabilježeno kod nefinansijskih javnih preduzeća za 16,7 miliona KM (0,8%) i ostalih domaćih sektora za 7,4 miliona KM (0,4%).

Godišnja stopa rasta ukupnih depozita u oktobru 2022. godine iznosila je 6,0%, što je u apsolutnom iznosu 1,63 milijarde KM. Godišnji rast depozita registrovan je kod vladinih institucija za 904,7 miliona KM (23,4%), privatnih preduzeća za 635,4 miliona KM (11,8%), nefinansijskih javnih preduzeća za 245,6 miliona KM (14,3%) i kod ostalih domaćih sektora za 142,3 miliona KM (8,2%). Smanjenje stope rasta depozita na godišnjem nivou registrovano je kod sektora stanovništva za 2,0%, odnosno 298 miliona KM.

Sektorska struktura depozita u BiH

	Stanje u mil. KM X 2022	Mjesečne promjene u mil. KM			Godišnje stope promjene u %		
		VIII 2022	IX 2022	X 2022	VIII 2022	IX 2022	X 2022
Ukupno	28.878,1	519,8	106,8	192,5	5,3	5,7	6,0
Od toga:							
Stanovništvo	14.242,6	132,2	109,8	24,0	-2,3	-1,9	-2,0
Privatna preduzeća	6.023,8	273,4	45,5	145,9	6,5	10,1	11,8
Vladine institucije	4.769,0	83,4	-41,1	46,7	28,7	23,0	23,4
Javna preduzeća	1.964,9	11,8	-46,0	-16,7	12,3	14,8	14,3
Depoziti ostalih domaćih sektora	1.877,9	19,1	38,5	-7,4	8,3	8,8	8,2

Devizne rezerve

Devizne rezerve Centralne banke BiH na kraju oktobra 2022. godine iznosile su 16,26 milijardi KM. U odnosu na prethodni mjesec zabilježeno je smanjenje deviznih rezervi od 259,3 miliona KM (1,6%), dok su na godišnjem nivou devizne rezerve Centralne banke BiH veće za 212,2 miliona KM (1,3%).